

ցավ առաջին խոշոր գործադուլը, որն աչքի ընկավ իր կազմակերպվածությամբ: Գործադուլավորներից 41 հոգի բանտարկվեցին, իսկ շատերը, որպես «վտանգավոր» և «անբարեհույս», հեռացվեցին աշխատանքից: Նրանց մեջ էր հայ առաջին բանվոր-հեղափոխական, սոցիալ-դեմոկրատ Գ. Մկրտումյանը: Նույն թվականի փետրվարի 18-ից մինչև մարտի 11-ը գործադուլ արեցին Քիֆլիսի էնֆիաշյանցի ֆաբրիկայի բանվորները: 1898 թ. Քիֆլիսի բանվորները Նշեցին մայիսմեկյան տոնը, հետագայում (1899—1901) մայիսյան տոնախմբություններ կազմակերպեցին Քիֆլիսի, Բաթումի, Բաքվի, Նրևանի, Ալեքսանդրապոլի և այլ քաղաքների բանվորները:

1870-ական և 1890-ական թվականներին Անդրկովկասում տեղի ունեցող բանվորական շարժումների մեջ էական տարբերություններ կային: Դա ամենից առաջ պայմանավորված էր բանվորության կազմով: Եթե 1870-ական թվականներին բանվորական կորիզը թույլ էր, արտադնացների զգալի մասը կապված էր գյուղի հետ, ապա 1890-ական թվականներին բանվորական բուսակն ավելի է ստվարանում, արտադնացների ճնշող մասն ընդմիշտ կապվում է արդյունաբերության հետ, դառնում արդյունաբերական բանվոր: Տեղի է ունենում բանվոր դասակարգի համակենտրոնացում: Մանր արհեստանոցներին փոխարինում են ֆաբրիկա-գործարանները, խոշոր միավորումները: Կապիտալիստական շահագործման գիշատիչ ձևերը բարձրացնում են բանվորների դասակարգային գիտակցությունը, ավելի են սրում հակասությունները, ուժեղանում է նրանց հետաքրքրությունը դեպի սոցիալիստական գաղափարները: Ներկայումս բանվորների քաղաքական դաստիարակությունը նպաստում են Ռուսաստանի կենտրոնական քաղաքներից եկած բանվորները՝ հեղափոխական պայքարի բովով անցած, քաղաքական մկրտություն ստացած բանվորները: Աստիճանաբար սոցիալիստական գաղափարներն ուղի են հարթում և թափանցում բանվորների մեջ, «բանվորներն իրենց մեջ» վիճակից դառնում են «բանվորներն իրենց համար» դասակարգ:

Անդրկովկասի մարքսիստական անդրանիկ խմբերը, որոնց մեջ համատեղ գործում էին ինչպես Ռուսաստանից արտաքսված հեղափոխականները, այնպես էլ հայ, վրացի, ադրբեջանցի և այլ ազգությունների ներկայացուցիչները, հաջողությամբ զլխավորում էին բանվորական առաջին ցույցերն ու ելույթները:

2. ԳՅՈՒՎԱՑԻԱԿԱՆ ՇԱՐՔՈՒՄՆԵՐԸ

Գյուղացիական ռեֆորմը Ռուսաստանում չլուծեց հողային հարցը: Այդ պատճառով դասակարգային հակամարտությունները գյուղում ետռեֆորմյան շրջանում ավելի սրվեցին: 70-ական թվականների վերջերին գյուղացիական շարժումները Ռուսաստանում ծավալվեցին նոր ուժով: Սակայն այդ շարժումների ամենամեծ ալիքը բարձրացավ 1881—1884 թթ., երբ երկրում մոլեգնում էր ռեակցիան և անասնի վատթարացել էր աշխատավոր զանգվածների կաջությունը:

XIX դարի 70—90-ական թվականներին գյուղացիական շարժումները ծավալվեցին նաև Ռուսաստանի ժայռամասերում՝ Մերձբալթիկայում, Անդրկովկասում, Միջին Ասիայում ու Սիբիրում:

Արևելյան Հայաստանում, ինչպես և կայսրության բազմաթիվ այլ շրջաններում, գյուղացիները պայքարում էին ամենից առաջ հողի համար: Այդ պայ-

քարում աչքի ընկան հատկապես կալվածատիրական գյուղացիները, որոնք ուզում էին դառնալ իրենց հողաբաժինների լիիրավ տերերը: Նրանք հայտարարում էին, որ իրենց հողաբաժինները պետական են և, հետևաբար, 1870 թ. մայիսի 14-ի կանոնադրություներ չի կարելի տարածել նրանց վրա: Երևանի նահանգում մուլքադարական գյուղացիության 42,6%-ը հրաժարվեց կանոնագրերի կնքումից: Այդպիսի գյուղացիների տոկոսը մեծ էր հատկապես էջմիածնի գավառում (75,6%)⁶: Կալվածատիրական գյուղացիները համառոտեին դիմադրում ու բողոքում էին իշխանություններին, երբ մուլքադարները, օգտագործելով 1870 թ. մայիսի 14-ի կանոնադրություներ, կտրում էին նրանց հողերը⁷:

Երկրի մի շարք շրջաններում գյուղացիները վկայակոչելով 1870 թ. կանոնադրություներ, ըստ որի յուրաքանչյուր արական շունչ պետք է ստանա 5 դես. հող, պահանջում էին պականը լրացնել կալվածատիրական հողերի հաշվին: 1878 թ. ապրիլին Երևանի գավառի Շենգավիթ գյուղի բնակիչները հաշտարար միջնորդին բողոքեցին, որ կանոնադրությամբ իրենք պետք է ունենան 180 դես. հող, բայց իրականում ունեն ընդամենը 80 դես. վարելահող և պահանջեցին վերցնել մուլքադարներից 100 դես. վարելահող ու տալ իրենց: Գյուղացիների բողոքը հասավ մինչև մայրաքաղաք: Սակայն սենատը 1888 թ. մարտի 3-ի որոշումով այն թողեց անհետևանք⁸:

XIX դարի վերջին տասնամյակներում լրացուցիչ հողաբաժնի համար պայքարում էին նաև պետական գյուղացիները: Նման խնդրով 1890 թ. դեկտեմբերի 31-ին պետական ունեցվածքների մինիստրությանը դիմեցին Նոր Բայազետի գավառի Աղվարա գյուղի բնակիչները և պատասխան չստանալով, 1891 թ. օգոստոսին հեռագրեցին Պետերբուրգ. «Աղվարա գյուղը քայքայվում է: Գյուղացիները ցրվում են, խնդրում ենք արագացնել... աղվարացիների խնդրի լուծումը»⁹: Լրացուցիչ հողաբաժին էին պահանջում նաև 1894—1896 թթ. Ալեքսանդրապոլի գավառի Մեծ Քյափանակ, 1894—1896 թթ. Նոր Բայազետի գավառի Քյասմա, 1895 թ. Երևանի գավառի Մամադ-Աբադ, Նորգուլ, Թոփրախ-Կալա, Սարջալար և այլ գյուղերի բնակիչները:

Պետական գյուղացիները պահանջում էին նաև վերադարձնել այն հողերը, որոնք տարբեր առիթներով բռնագրավվել էին իշխանությունների կողմից: Այդպիսի պահանջով հանդես եկան 1895 թ. Սուրմալուի գավառի Արալխ-Բաշքենդ, 1897 թ.՝ Ալեքսանդրապոլի գավառի Յաղուրի, 1898 թ.՝ Նոր Բայազետի գավառի Ներքին Ալուալու գյուղերի բնակիչները, որոնք, սակայն, գոհացում չստացան¹⁰:

Բացի կալվածատիրական ու պետական գյուղացիներից, հողի համար պայքարում էին նաև վաճառատական գյուղացիները: Այսպես, Վաղարշապատի բնակիչները 1892 թ. մարտի 19-ին գրում էին սինոդին, որ իրենց «ևս»

⁶ ՏՆ՝ Ք. Ա. Мелик-Саркисян, Проведение в жизнь крестьянской реформы 1870 г. в Армении, Ереван, 1969, стр. 244 (рукопись диссертации).

⁷ ՏՆ՝ «Крестьянское движение в Армении в XIX веке», составил В. А. Рштуня, при участии К. Степаняна, Ереван, 1949, стр. 214—216.

⁸ ՏՆ՝ նույն տեղում, էջ 254—256:

⁹ ՍՍՀՄ ՀՍՀՄ ԿՊԱ, ֆ. 381, ք. 17313, ք. 8:

¹⁰ ՏՆ՝ ՀՍՀՄ ԿՊԱ, ֆ. 94, ց. 5, ք. 454, ք. 3, ք. 648, ք. 3—4, ք. 852, ք. 3—7:

տրվի վարելահող», որ կարողանան պահել իրենց «ընտանիքը և երեխայրը»¹¹, իսկ 1896 թ. նրանք շանում էին ապացուցել, որ իրենց գյուղի հողերի իսկական տերերը իրենք են և ոչ թե սինոդը: Վաղարշապատցիները գրում էին գավառապետին. «Ինչպես պետական, այնպես էլ վանական ու տերուական գյուղերում հասարակական հողերի տնօրինման իրավունքը, առանց որևէ բացառության, պատկանում է գյուղական ժողովին»¹²: Գոհացում չստանալով, նրանք դիմեցին նահանգապետին, որը. սակայն, պաշտպանեց սինոդի շահերը:

Հողասակավության պատճառով գյուղացիները հաճախ ստիպված էին թողնել իրենց հին բնակավայրերը և տեղափոխվել նոր շրջաններ: Նրանցից շատերը ձգտում էին հաստատվել Կարսի մարզում: Այդպիսի դիմում ներկայացրին նահանգապետին 1895 թ. Ալեքսանդրապոլի գավառի Մեծ Զամուլու, 1896 թ.՝ Նույն գավառի Հոթամ, Միրաք, 1897 թ. Նոր Բայազետի գավառի Ցամաքաբերդ գյուղերի բնակիչները¹³: Գյուղացիների մի մասն էլ ցանկանում էին տեղափոխվել Նրեանի գավառի ցածրադիր շրջանները, մասնավորապես Սարդարապատի տափաստանը և Ելիավնետպոլի նահանգը (օրինակ՝ 1895 թ. Նոր Բայազետի գավառի Վիրին Ախտալի, 1896 թ. Ալեքսանդրապոլի գավառի Բոռադբյուր և այլ գյուղերի բնակիչները): Սակայն պաշտոնյաները նրանց մերժեցին պատճառաբանելով, որ չկան աղատ ու հարմար տարածություններ¹⁴:

Բավարարություն չստանալով պայքարի պատսիվ ձևերից, գյուղացիներն անցնում էին ավելի ակտիվ գործողությունների և բռնազրավում ինչպես պետական, այնպես էլ կալվածատիրական ու վանքապատկան հողերը: Երբեմն գյուղացիները հաստատվում էին պետական հողերի վրա և կազմում նոր գյուղեր: Այդպես վարվեցին 1896 թ. էջմիածնի գավառի Կիրաշլու գյուղի բնակիչները: Ցարական պաշտոնյաները փորձեցին նրանց վերադարձնել իրենց հին բնակավայրերը, սակայն հանդիպեցին համառ դիմադրության: Հետագա տարիներին նրանք արգելեցին գյուղացիներին դուրս գալ դաշտային աշխատանքի, անգամ կնքեցին նրանց դռները, բայց գյուղացիները շարդեցին կնիքները և մնացին զրաված հողերի վրա: Խուսափելով իրադրության բարդացումից, նահանգապետը հաշտվեց ստեղծված վիճակի հետ¹⁵:

Ավելի հաճախ գյուղացիները բռնազրավում էին պետական հողերը և միացնում իրենց տարածություններին: 80-ական թվականների վերջերին և 90-ական թվականների սկզբներին այդ ներույթը զգալի չափերի հասավ: 1896 թ. Նրեանի նահանգի ու Կարսի մարզի պետական ունեցվածքների վարչության ներկայացուցիչն իր ղեկուցադրում նշում էր, որ «պետական ձմեռային արոտավայրերի օգտագործման մեջ ոչ մի կարգ չկա»¹⁶ և հափշտակումները հասնում են մեծ չափերի, որ նահանգի 55 կոտոր պետական ձմեռային արոտավայրերից, որոնց տարածությունը հասնում է 36041—գեա., 1895 թ. մասնավոր անձինք ու գյուղական համայնքները զավթել են 5098 գեա. կամ 14%—ը¹⁷:

11 Նույն տեղում, ֆ. 56, ց. 6, գ. 114, ք. 32—33.

12 Նույն տեղում, ֆ. 94, ց. 5, գ. 402, ք. 10.

13 Տե՛ս Նույն տեղում, գ. 340, ք. 8, գ. 525, ք. 9, գ. 458, ք. 5, գ. 613, ք. 1.

14 Տե՛ս Նույն տեղում, գ. 223, ք. 31, գ. 613, ք. 1, գ. 440, ք. 13, գ. 453, ք. 5.

15 Տե՛ս Նույն տեղում, գ. 473, ք. 93.

16 Նույն տեղում, ֆ. 133, գ. 1922, ք. 42.

17 Տե՛ս Նույն տեղում, ք. 43.

Հողերը զավթում էին նաև կալվածատիրական գյուղացիները: Որոշ դեպքերում նրանք տերունական հողերն ուղղակի մասնում էին կանոնագրերի մեջ՝ որպես իրենցը, երբեմն ընդարձակում էին իրենց ցանքատարածությունները կալվածատիրական արոտավայրերի հաշվին և խուսափում նոր տարածության մուլքի վճարումից: Հաճախ նրանք ըմբոստանում և վնասում էին աղաներին ու տիրում նրանց հողերին: Այդպես վարվեցին, օրինակ, Ղազախի գավառի Կարաբուլախ գյուղի բնակիչները 1888 թ.: Ցարական իշխանությունները ստիպված եղան օրինականացնել նրանց բռնագրավումները¹⁸:

Գյուղացիները պայքարում էին նաև ոռոգելի ջրի համար, որը երկրի մի շարք շրջաններում կենսական նշանակություն ուներ: 1899 թ. ապրիլին էշմիածնի գավառի Արդաշար գյուղի բնակիչները բողոքեցին նահանգապետին, որ մուլքադարը, որը միաժամանակ մի քանի էր, հափշտակում է գյուղի ոռոգող ջուրը, որի հետևանքով նրանց ցանքերն ու ալգիները երաշտից չորացել են և նրանք զրկվել են «գոյության միակ աղբյուրից»¹⁹:

Ցարական պաշտոնյաները հաճախ հողային ու ջրային վեճերը առիթ դարձնելով, բորբոքում էին ազգամիջյան թշնամություն: 1887 թ. նրանք ցանկացան Նոր Բալազետի գավառի Սաղկունք գյուղի հայերին հակադրել Ղազախի աղբրեջանցիներին²⁰: Բայց պաշտոնյաներին ընդհանուր առմամբ չէր հաջողվում շեղել գյուղացիներին դասակարգային պայքարի ճիշտ ուղուց: Հայ ու աղբրեջանցի գյուղացիները համաձայնություն էին գալիս և վիճելի տարածություններն ու ջրերը բարեկամաբար բաժանում միմյանց միջև: Ավելին, երբեմն նրանց հաջողվում էր պատժել իրենց մեջ առեկտություն սերմանող պաշտոնյաներին: Այսպես, 1888 թ. գարնանը, երբ Նախիջևանի գավառի պետական ունեցվածքների կառավարիչը մեկնեց Բիստ գյուղը և փորձեց բնակիչներին ոտքի հանել հարևան գյուղերի դեմ, այդ գյուղերի ինչպես հայ, այնպես էլ աղբրեջանցի բնակիչները, կոռուցելով պաշտոնյայի նենգ մտադրությունը, նրան ծեծեցին և վնասեցին²¹:

Արևելյան Հայաստանի գյուղացիները ըմբոստանում էին նաև ցարական կառավարության հարկային հարստահարությունների, տեղական կալվածատերերի ու սինոդի ֆեոդալական կեղեքումների դեմ: Կալվածատիրական գյուղացիները հրաժարվում էին «իրենց» տերերի օգտին կատարվելիք վճարումներից ու պարտույթներից: Այսպես, էշմիածնի գավառի Զանֆիդա գյուղի բնակիչները 1872 թ. ոչ միայն մերժեցին կալվածատերերին մուլք տալ, այլև վնասեցին նրանց օգնության եկած կաղակներին: Նրբ կալվածատերերը պահանջեցին դադարեցնել հացահատիկի մաքրումը և ներկայացուցիչներ ուղարկել հաշտարար միջնորդի մոտ՝ վեճը լուծելու համար, ջանֆիդացիները պատասխանեցին, որ մուլք չեն վճարի, չեն զնա հաշտարար միջնորդի մոտ և շարունակեցին հացահատիկի կալուստն ու մաքրումը²²:

18 Տե՛ս Մ. Ս. Ագալ, Из истории борьбы азербайджанских и армянских крестьян против феодально-крепостнических отношений после реформы 1870 г. («Известия» АН Арм. ССР, 1952, № 9, стр. 85).

19 ՆՍՄՀ ԿԳՊԱ, ֆ. 94, ց. 5, գ. 1030, թթ. 1—2.

20 Տե՛ս ՆՍՄՀ ԿԳՊԱ, ֆ. 381, գ. 16937, թ. 5.

21 Տե՛ս Նույն տեղում, ֆ. Ոստիկանության ղեկարարման, III դորժավարություն, գ. 89, մ. 53, թ. 7—8.

22 Տե՛ս «Крестьянское движение в Армении...», стр. 179—180.

Նրևանի գավառի Պտղնի գյուղի բնակիչները տարիներ շարունակ հրաժարվելով մուրադարական վճարումներից, 1881 թ. որոշեցին ոչ միայն հողատիրոջը բաժին չտալ, այլև վոնդել նրան գյուղից: Գործին միջամտեց ոստիկանությունը, գյուղում մի քանի անգամ հայտնվեցին զինված կազակներ, բայց գյուղացիների դիմադրությունը մինչև վերջ հնարավոր չեղավ ընկճել: Ցարական կառավարությունը 1899 թ. Պտղնի ստիպված համարեց պետական գյուղ²³: Դա, իհարկե, գյուղացիներին շաղատեց հարստահարումից, բայց որոշ չափով թեթևացրեց նրանց դրությունը: Կալվածատիրական բահրայից հրաժարվելու և համառ դիմադրության զեպքեր եղան նաև Նրևանի գավառի Նեջրու, Գյոգարու, Զոհրարու, Դվին և մի շարք այլ գյուղերում²⁴:

Արևելյան Հայաստանի գյուղացիները հրաժարվում էին նաև իշխանությունների հարկերի վճարումներից, հաճախ ծեծում ու քշում էին պաշտոնյաներին, փորձում ազատվել անտանելի կեղեքումներից: Նրանց ելույթները բռնկվում էին այս կամ այն առիթով և ընդունում սուր բնույթ: Այդ տեսակետից բնորոշ են 1886—1887 թթ. դեպքերը: Գյուղացիների այդ ելույթների իսկական պատճառը, անշուշտ, ինքնակալության կողմից հայ բնակչության նկատմամբ 80-ական թվականների առաջին կեսերին իրագործվող ազգային ու սոցիալական ճնշումների ուժեղացումն էր, բայց առիթը՝ համընդհանուր զինվորական պարհակի տարածումն էր Անդրկովկասի քրիստոնյա բնակչության վրա: Նրբ ցարական պաշտոնյաները սկսեցին կազմել զինակոչիկների ցուցակները, կատարելով զանազան խարդախություններ, մի շարք գյուղերում բնակիչները ոչ միայն համառորեն դիմադրեցին, այլև ջարդելով վոնդելներին նրանց. օրինակ, 1886 թ. հուլիսին Կարսի մարզի Կաղզվան ու Նախիջևան տեղամասերի բազմաթիվ գյուղերում: Կարսի նահանգապետը նշում էր, որ զինակոչիկների ցուցակները կազմելիս այդ երկու տեղամասերում «տեղի ունեցան մեծ անկարգություններ»²⁵: Ուշագրավ է, որ հայ ու քուրդ գյուղացիները համատեղ էին գործում ցարական իշխանությունների դեմ: Մարզային իշխանությունները միայն զորքի օգնությամբ կարողացան ճնշել գյուղացիների ելույթը, 1887 թ. ցարական զորակոչի առիթով ընդվզումներ տեղի ունեցան նաև Նոր Բայազետի գավառի Գյոգալդարա, Ալեքսանդրապոլի գավառի Զաջուտ, էջմիածնի գավառի Մարդարապատ և մի շարք այլ գավառների գյուղերում: Իշխանությունները կարողացան ճնշել այդ ելույթները միայն զորքի օգնությամբ²⁶:

Ցարիզմի կողմից գործադրվող բռնությունները, սակայն, չընկճեցին գյուղացիների կամքը: Նրանք պայքարը շարունակեցին նաև հետագա տարիներին: 1894 թ. դեկտեմբերին, երբ ցարական պաշտոնյան էջմիածնի գավառի Խաթունարյս գյուղում պահանջեց պետական հարկերն ու ապառքները, բնակիչները հրաժարվեցին վճարումներից, մերձիմահ ծեծեցին նրան և ուղեկցող գյուղապետին, իսկ պրիստավը հագիվ ազատեց գլուխը: Ցարական իշխանություն-

23 Տե՛ս նույն տեղում, էջ 300—301:

24 Տե՛ս նույն տեղում, էջ 331—354:

25 «Всеподданнейший отчет о состоянии Каресской области за 1886 год», стр. 48.

26 Տե՛ս ՍՍՄՄ ՀՀՍԵ ԿԳԱ, ֆ. «Ոստիկանության դեպարտամենտ», III գործավարություն, գ-

ները դաժան հաշվեհարդար տեսան կազմակերպիչների ու ղեկավարների հետ²⁷։

Գյուղացիների պայքարը ցարիզմի հարկային հարստահարությունների դեմ ծավալվեց նաև 90-ական թվականների վերջերին, 1899 թ. ապրիլին Սուրմալուի գավառի Ղազիկիշլակ գյուղի բնակիչները նահանգապետին հասցեագրած խնդրագրում նշում էին, որ իրենք մինչ այդ վճարում էին 987 ուր. 86 կոպ. հողահարկ ու երկրային հարկ, իսկ այժմ իշխանությունները դրանից զատ պահանջում են նաև 837 ուր. 26 կոպ.։ Նրանք պահանջում էին շեղյալ հայտարարել ավելացված գումարը։ Սակայն նահանգապետը մերժեց²⁸։ 1899 թ. ապրիլին նույն խնդրով նահանգապետին դիմեցին նաև այդ գավառի Գյուլիջա գյուղի բնակիչները։ Նրանք հաստատում էին, որ անցյալում վճարել են տարեկան 382 ուր. 76 կոպ., իսկ այժմ իշխանությունները պահանջում են 763 ուր. 68 կոպ., որը վեր է իրենց ուժերից։ Սակայն նահանգապետը հաշվի չառավ գյուղացիների խնդիրը՝ կարգադրեց հավաքել սահմանված ամբողջ գումարը²⁹։ Կառավարության հարկային քաղաքականության սաստկացման դեմ բողոքեցին նաև Ալեքսանդրապոլի գավառի Մուլագեոկչա (1899), Սուրմալուի գավառի Փարնաուտ (1900), Երևանի գավառի Գյուլքիլիսա (1900) և այլ գյուղերի բնակիչները։ Բայց իշխանությունները ստիպեցին նրանց վճարել³⁰։

Գյուղացիները հրաժարվում էին նաև վանքերի ու եկեղեցիների օգտին սահմանված տուրքերից։ Այդպես վարվեցին 1898—1899 թթ. Մեհրաբ-Քյուրդքենդ, Մեհրաբ-Բանաբաշ, Մեհրաբլու, Գոմաձոր ու Ցամաքաբեդ գյուղերի բնակիչները։ Հարկահավաք-հոգևորականներն ստիպված հայցում էին նահանգական իշխանությունների կամ սինոդի օգնությունը, 1900 թ. օգոստոսի 24-ին Մաստարայից նրանք դիմեցին սինոդին. «Խնդրում ենք շուտափույթ օգնություն, գոնե ժամանակավոր մի ուստիկան, քանի դեռ կալերը վերջացած չեն, իսկ եթե հոգևոր բարձրագույն իշխանությունը վերահաս օգնությունը չանի երկու օրից հետո՝ կորած է մեր հույսը և սուրբ աթոռի արդյունքը»³¹։ Սինոդը իր գործը հեշտացնելու համար քահրայի հավաքման իրավունքը հաճախ տալիս էր վարձակալությանը։ Սակայն գյուղացիները հրաժարվում էին նաև կապալառուներին վճարելուց։

Կալվածատերերն ու սինոդը դիմում էին տեղական իշխանություններին, որ նրանք պարտադրեն գյուղացիներին վճարելու տուրքերը։ Այսպես, 1884 թ. Դվին և Դվին-Քյուրդիքենդ գյուղերի մուքադդարները պահանջում էին գավառական պաշտոնյաներից՝ քահրայի վճարումից հրաժարվող գյուղացիների դեմ գործադրել ավելի լուրջ միջոցներ, քանի որ նրանք գտնվում են թալանիսի դրգոված վիճակում, որ գյուղապետը միայն իր իշխանությամբ չի կարող կատարել իր վրա դրված պարտավորությունները»³²։

Նույն թվականին Երևանի նահանգի 45 մուքադդարներ, չբավարարվելով տեղական իշխանությունների միջոցառումներով, դիմեցին կովկասյան կառա-

27 Տե՛ս նույն տեղում, գ. 26, մ. 22, ք. 2։

28 Տե՛ս ՀՍՍՀ ԿԳՊԱ, ֆ. 94, գ. 1013, ք. 3—4։

29 Տե՛ս նույն տեղում, գ. 1015, քթ. 1—4։

30 Տե՛ս նույն տեղում, գ. 1102, ք. 1—3, գ. 1198, ք. 2—5, գ. 1208, ք. 1։

31 Մատենադարան, էջմիածնի սինոդի տնտեսական մաս, քթթ. 130, վաճ. 18, ք. 12։

32 «Крестьянское движение в Армении...», стр. 350.

վարչապետին և ահազանգեցին, որ նահանգում հաճախ ոչ միայն առանձին գյուղացիներ, այլև ամբողջ համայնքներ տարիներ շարունակ չեն վճարում մուլը, որ գյուղացիներն սկսել են չհարգել օրենքները, հրաժարվել իշխանությունների կարգադրությունները կատարելուց և վոնգել մուլքադարներին իրենց կալվածքներից, Հողատերերն առաջարկում էին դիմել խիստ միջոցների քուպոնի գյուղացիների կամայական հրաժարումն իրենց պարտավորություններից չհասնի նահանգական ընդհանուր ասպտամբության, ագրարային հանցագործությունները»³³։

Արտահայտելով կալվածատերերի կամքը, ցարական կառավարությունը մի կողմից միջոցներ էր ձեռնարկում նրանց շահերի պաշտպանության համար, իսկ մյուս կողմից՝ խստացնում էր գյուղացիների ճնշումներն ու բռնությունները։ Այդ քաղաքականությունն ավելի սուր բնույթ էր գտնուց 1880—1890-ական թվականներին։

Սակայն ցարական իշխանությունների սպառնալիքներն ու պատիժներն ի վիճակի չեղան խեղդելու գյուղացիական ելույթները, ընդհակառակը, դրանք երբեմն առիթ էին ծառայում նոր հուզումների ու ընդվզումների համար։

XIX դ. 70—90-ական թվականներին արևելահայ գյուղում կապիտալիստական հարաբերությունների զարգացման հետևանքով ծավալվեց նաև սոցիալական՝ երկրորդ պատերազմը՝ կուլակության և պրոլետարական ու կիսապրոլետարական զանգվածների միջև։ Պայքարը գնում էր ամենից առաջ և ամենից հաճախ հողի համար։ Կուլակային տնտեսությունները դեմ էին դուրս գալիս համայնական հողերի վերաբաժանումներին։ Սակայն գյուղացիները համառ պայքարի շնորհիվ հաճախ հասնում էին իրենց նպատակին։ Բայց հողաբաժանարարները, ընտրված լինելով հարուստներից, շարաշահում էին իրենց իրավունքները։ Այսպես, Շարուր-Պարալագյազի գավառի Խաչիկ գյուղի բնակիչները դեռևս 1888 թ. պահանջեցին հողերի վերաբաժանում։ Սակայն գավառապետը մերժեց։ 1892 թ. կրկին բարձրացրին այդ հարցը և, վերջապես, 1894 թ. հասան իրենց նպատակին։ Բայց հողաբաժանարարները կեղծիքներ կատարեցին, որի համար էլ 1895 թ. գյուղացիները դիմեցին Կովկասի կառավարչապետին և խեղդեցին նոր վերաբաժանում։ Բավարարում չըստանալով, 1896 թ. նրանք կրկին պահանջեցին իրենց խեղդի արդարացի լուծում։ Սակայն այս անգամ ևս նրանց բողոքը մնաց անհետևանք։

90-ական թվականների վերջերին վարելահողերի վերաբաժանման համար պայքարը գրեթե նույնպիսի վախճան ունեցավ նաև Ալեքսանդրապոլի գավառի Թոմարտաշ (1895—1896), Ուլթիխա (1895), Ավդիրեկ (1898), Հաջինազար-դուլի (1898), Զգլար (1898), Արմուտլի (1899—1900), Սվանվերդի (1897), Իլիխարի (1898), Նրևանի գավառի Ավան (1899), Արդաշար (1895—1896), Էջմիածնի գավառի Եփրադլա (1898), Վաղարշապատ (1896—1897), Շարուր-Պարալագյազի գավառի Մալիշկա—Փեշիշենդ (1895), Սուրմալուի գավառի Կողը (1895) և բազմաթիվ այլ գյուղերում։

Անելանելիությունից ու հուսահատությունից մղված գյուղացիները հաճախ հրկիզում էին կալվածատերերի ու կուլակների ունեցվածքը, սպանում էին նրանց և հեռանալով գյուղից, դառնում ժողովրդական վրիժառուներ։ Նրանք հաշվահարդար էին տեսնում կեղծիքիների հետ, դարանակալում էին

ճանապարհներին կամ գիշերով ներխուժում գյուղերը, բռնագրավում հարուստների ունեցվածքը և բաժանում աղքատներին: Բնակչությանը ոչ միայն չէր օգնում պաշտոնյաներին ու զորամասերին՝ «հանցագործներին» գտնելու համար, այլև թաքցնում էր նրանց, իշխանություններին հաղորդելով սխալ տեղեկություններ³⁴: Սակայն գյուղացիական պայքարի այդ «դաշաղալին» ձևն Արևելյան Հայաստանում անհամեմատ քիչ էր տարածված, քան հարևան Վրաստանում ու Ադրբեջանում:

Արևելյան Հայաստանի գյուղացիները պայքարում էին նաև ցարական կառավարության ազգային ու գաղութային քաղաքականության դեմ՝ երբ իշխանությունները կտրում էին նրանց հողերն ու տալիս ուսս վերաբնակիչներին, փակում էին հայկական դպրոցները և այլն:

XIX դարի վերջին տասնամյակներում գյուղացիական շարժումները Արևելյան Հայաստանում գնալով ծավալվում էին, ընդգրկում նորանոր զանգվածներ և ընդունում համառ բնույթ: Պայքարի մեջ էին մտնում ոչ միայն առանձին գյուղեր, այլև գյուղախմբեր, իսկ առանձին դեպքերում՝ նաև տեղամասեր, Նրբեմն նրանց պայքարը տեղում էր տարիներ ու տասնամյակներ: Որոշ գյուղերում բնակիչները համեմատում էին ատելի հարստահարիչների կամայականությունները թագավորի բռնությունների հետ և դրանով արտահայտում իրենց հակացարական տրամադրությունները: Այսպես. Ալեքսանդրապոլի գավառի Թոմարտաշ գյուղի բնակիչները 1896 թ. գրում էին, թե գյուղապետ Ն. Գասպարյանը չի ենթարկվում նրանց որոշումներին, «ամբողջ գյուղը խառնում է իրար» և խնդիր էին դնում ազատել իրենց «նիկոլայ Գասպարովի ավերիչ ձիրաններից, որը մեր գյուղի բնակչությանն այնպես է տիրում, ինչպես նորին կայսերական մեծությունը ամբողջ Ռուսաստանում»: Գյուղացիների դասակարգային պայքարի աճին նպաստում էր արտագնացությունը, երբ նրանք ապրուստ հայթայթելու համար մեկնում էին արդյունաբերական կենտրոններ և շփվելով պրոլետարական զանգվածների հետ, ազդվում էին նրանց հեղափոխական տրամադրություններից ու վերադառնալով գյուղ՝ տարածում դրանք իրենց համագյուղացիների մեջ: Գյուղացիները դիմադրում էին իշխանության ներկայացուցիչներին և ընդհարվում նրանց հետ: Ոչ լրիվ տեղյակներով³⁵ հետեծֆորմյան երեսուն տարվա ընթացքում (1871—1900) Երևանի նահանգում ու Կարսի մարզում գյուղացիների ընդհարումներն իշխանության ներկայացուցիչների կամ կալվածատերերի հետ ավելի քան կրկնապատկվել են, հրկիզումների թիվը մեծացել է 11 անգամ, իսկ իշխանություններին դիմադրավելու և հասարակական «հանդիստը» խանդարելու համար դատապարտվածների քանակը 15 տարվա ընթացքում աճել է շուրջ երկու անգամ: Ուշագրավ է, որ 80-ական թվականներին գյուղացիական շարժումներն ավելի

³⁴ Տե՛ս «Всеподданнейший отчет о состоянии Каресской области за 1892 г.», стр. 88.

³⁵ Տե՛ս «Обзор Эриванской губернии», նշված տարիքները, ցուցակ № 5, 6, 7, 9: «Всеподданнейший отчет о состоянии Каресской области за 1886 г.»; «Сборник сведений о Кавказе», т. IV, Тифлис, 1878, стр. 48—49, 94—97, 158—159, 218—219, 284—285, 346—347; «Сборник статистических сведений по Закавказскому краю», ч. I, Тифлис, 1902, стр. 88—93; «Крестьянское движение в Армении в XIX в.»; ՍՄՄ ՀՀՄԵ ԿԳԱ, ֆ. Մխարկաշխության ղեկավարումներ, III գործավարություն, գ. 89, մ. 53: Բ. Ա. Мелик-Саркисян, նշվ. աշխ.:

ակտիվ էին դրսևորվում, քան 90-ական թվականներին: Հստ երևույթին 90-ական թվականներին արեւելահայ գյուղացիական շարժումների վրա բացասաբար էին ներգործում ոչ միայն ցարական կառավարության ռեակցիոն քաղաքականության սաստկացումը, այլև համիդյան կառավարության կողմից Թուրքիայում իրագործվող արեւմտահայերի մասսայական կոտորածները: Այնուամենայնիվ 90-ական թվականներին արեւելահայ գյուղացիական շարժումները լիջան 70-ական թվականների մակարդակին, ընդհակառակը, 90-ական թվականների առաջին կեսին ապրելով որոշ վայրէջք, այդ տասնամյակի երկրորդ կեսից նրանք կրկին բռնեցին վերելքի ուղին:

Գյուղացիական շարժումները համեմատաբար ակտիվ էին կալվածատիրական հողատիրության շրջաններում, հատկապես Երևանի ու էջմիածնի գավառներում: 1870—1900 թթ. մեզ հայտնի 50—55 ընդհարումներից ավելի քան $\frac{1}{3}$ -ը տեղի էր ունեցել այդ գավառներում: 1898 թ. Երևանի նահանգում 106 հրկիզումներից 65-ը եղել էր նույնպես Երևանի ու էջմիածնի գավառներում³⁶: Դա ցույց է տալիս, որ ֆեոդալական հարաբերությունները գյուղացիության համար դարձել էին խիստ անտանելի:

Գյուղացիական շարժումներն Արեւելյան Հայաստանում Եվրոպական Ռուսաստանի համեմատությամբ ունեին որոշ առանձնահատկություններ: Եթե ռուսական գյուղում նրանք բովանդակում էին միայն սոցիալական, ապա հայկական գյուղում՝ դրա հետ միասին նաև ազգային-ազատագրական խնդիրներ: Եվրոպական Ռուսաստանում զգալիորեն տարածված էր ռուս գյուղացիության արտագաղթը դեպի կայսրության ծայրամասերը: Արեւելյան Հայաստանում գյուղացիական շարժումների այդ պատիվ ձեռն առհասարակ էր տարածված: Դա պայմանավորված էր ոչ այնքան Արեւելյան Հայաստանում ազատ հողերի սահմանափակությամբ, որքան ցարիզմի վարած գաղութային քաղաքականությամբ: Ի տարբերություն Եվրոպական Ռուսաստանի, որտեղ գյուղացիները պայքարում էին նաև հողաբաժինների պարտադիր փրկագնման վճարումների դեմ, Արեւելյան Հայաստանում չկար պայքարի այդ ձևը: Եվրոպական Ռուսաստանի մի շարք շրջաններում բատրակները հաճախ ինքնուրույն էին հանդես գալիս կալվածատերերի ու կուլակների դեմ, Արեւելյան Հայաստանում նրանք, կապիտալիստական հարաբերությունների համեմատաբար թույլ զարգացման հետևանքով, միանում էին գյուղի աշխատավորության այլ շերտերին: Եթե Եվրոպական Ռուսաստանում գյուղացիական շարժումները համեմատաբար բարձր մակարդակի են հասնում 80-ական թվականների առաջին կեսին³⁷, ապա Արեւելյան Հայաստանում՝ այդ տասնամյակի երկրորդ կեսին:

Չնայած այդ տարբերություններին, Արեւելյան Հայաստանում գյուղացիական ընդվզումները լինելով համառուսական գյուղացիական շարժումների բաղկացուցիչ մասը, ունեին այն ընդհանրությունները, ինչ Եվրոպական Ռուսաստանում: Այդ շարժումներն ուղղված էին ամենից առաջ ֆեոդալական մնացորդների և այնուհետև բուրժուական շահագործման դեմ, հանդես էին գալիս գերազանցապես իրենց պատիվ ձեռքբերելու, բռնկվում էին տարերայնորեն, ունեին

³⁶ Տե՛ս «Сборник статистических сведений по Закавказскому краю, составлен по постановлению Закавказского Статистического комитета, состоящим при нем отделом», под ред. старшего редактора отдела Е. Кондратенко, ч. I, Тифлис, 1902, стр. 88—93.

³⁷ Տե՛ս «История СССР», т. 5, М., 1968, стр. 477.

տեղակայան նշանակություն, կտրված էին իրարից, անջատված էին բանվորական շարժումներից, չէին հետապնդում քաղաքական նպատակներ և իբրև կանոն ավարտվում էին պարտություններ:

XIX դարի վերջին տասնամյակներում սոցիալական շարժումներ ծավալվեցին նաև Արևմտյան Հայաստանում, ինչպես քաղաքներում, այնպես էլ գյուղերում:

Նշանավոր ելույթներից մեկը 1870 թ. վանի, Բիթլիսի, Փրզիի ու այլ քաղաքների արհեստավորների ու առևտրականների գիմադրությունն էր հարկային պաշտոնյաների շարաշահումներին: Փակելով արհեստանոցները նրանք բողոքեցին կուսակալին, պահանջելով կալվածաճարկն ու եկամտաճարկը վերցնել սահմանված օրենքով³⁸:

Կառավարական հարկերի շարաշահումների դեմ 1872 թ. ընդվզեցին նաև Դիարբեքի կուսակալության Սեբրեկ գյուղաքաղաքի հայերը³⁹:

Արևմտյան Հայաստանի քաղաքային բնակչության ելույթները նոր թափով ծավալվեցին 1877—1878 թթ. ռուս-թուրքական պատերազմից հետո:

1879 թ. գարնանը Կարինի մոտ 2000 բնակիչներ թղթադրամի արժեզրկման պատճառով շարժվեցին կառավարչատուն և սպառնալիքներով պահանջեցին կուսակալից՝ բարձրացնել նրա արժեքը⁴⁰:

Նույն առիթով 1879 թ. ելույթներ եղան նաև Արաբկիրում: Աչքի ընկան հատկապես մանածագործական ձեռնարկությունների բանվորները, որոնց մասին Գ. Սրվանձությանը գրում էր. չուլահակգործները թիմ հոն եղածս օրերը բանթոզ (գործադուլ) ըրած էին, իրենց օրականը թղթադրամով վճարելուն առթիւ. գործատէրեր՝ որ վաճառականներն են, մեծ յուզմունքի մեջ էին. գործողներ երգմամբ կապուած էին իրարու մինչև իրանց ուզած գինը տրուեր, անեծք և տուգանք սպառնացած էին իրենց ուխտէն բաժնուողին ինքզինքս կոնտոնի մեջ կը կարծէիք⁴¹:

Համառ պայքարի շնորհիվ բանվորները հասան հաղթանակի: 1888 թ. վ. Փափազյանը այդ մասին գրում էր. «Պատմում են, որ Արաբկիրում... 1879 թվականին գործավորները մի այնպիսի գործադուլ արին, որ բոլոր գործարանատերերը հուսահատվել էին. պատճառն այն էր, որ օսմանյան 100 ղուրուշանոց թղթադրամի գինը իջել էր 40 ղուրուշի և գործավորներին 100 ղուրուշ հաշվելով էին վճարում: Մինչև որ շգոհացան, գործ չսկսեցին»⁴²:

Մի շարք քաղաքներում տնտեսապես քայքայված ու ընչազուրկ զանգվածները հաճախ հարձակվում էին պետական ու մասնավոր շտեմարանների վրա, բռնագրավում պարենամթերքը և բաժանում իրար միջև: Ուշագրավ է, որ քրիստոնյաներն ու մահմեդականները հաճախ գործում էին համատեղ, և երբ իշխանությունները փորձում էին օգտագործել առիթը, զբոսել ազգամիջյան կոիվներ, ստանում էին պատշաճ հակահարված: 1880 թ. մայիսի 31-ին Մուշում սովահար հայերը և թուրքերը միանալով, գրավեցին հացի պետական

38 Տե՛ս «Դիվան հայոց պատմութեան», գիրք ԺԳ, էջ 184:

39 Տե՛ս «Տեղեկագիրք զավանական հարստահարութեանց», Կ. Պոլիս, 1876, էջ 13:

40 Տե՛ս ՌԱԹԱ, ֆ. «Գլխավոր արխիվ, 5—Ա», 1879, գ. 1093, թ. 10—11:

41 Գ. Սրվանձությանց, Թորոս աղբար..., մասն Ա, էջ 281:

42 Վ. Փափազյան, Երկեր, հ. 5, էջ 513:

ամբարները, երբ կառավարությունը փորձեց բանտարկել հայերին, մահմեդականները հայտարարեցին, թե իրենք թույլ չեն տա, որ հայերին ձեռք տան: «Հայերը մեր եղբայրներն են... մենք ամենքս նեղացած տանջվում ենք կառավարության ձեռքից»⁴³: Նույն թվականին նման դեպք տեղի ունեցավ նաև Դիարբեկի մոտ:

XIX դարի վերջին տասնամյակներում Արևմտյան Հայաստանում ավելի շատ տարածված էին գյուղացիական շարժումները, որոնք ուղղված էին հիմնականում անձի ու գույքի անսպահովության, հողային հափշտակումների և պետական ու ֆեոդալական հարկային հարստահարումների դեմ:

Գյուղացիական հուզումներ տեղի ունեցան Մուշի դաշտում, ուր 1871—1872 թթ. Մորենիկում բնակիչները հանդես եկան իրենց հողերը բռնագրավող աղայի դեմ և մինչև Կ. Պոլիս պատվիրակներ ուղարկեցին, որոնք, սակայն, արդյունքի չհասնելով «հուսահատ ետ դարձան»⁴⁴: Արտերտում նրանք դիմագրավեցին իշխանությունների կողմից իրենց հողերի վրա շինարարության բնակեցման դեմ և տարիներ շարունակ բախեցին թուրքական պաշտոնյաների դռները, բայց ապարդյուն: Ապարդյուն անցան նաև Բուլանթխի մի շարք գյուղերի գյուղացիների պայքարը և նրանցից շատերը ստիպված գաղթեցին⁴⁵:

Բիթլիսի գավառում 32 հայկական և քրդական գյուղեր 1874 թ. բողոքեցին տեղական իշխանություններին աղայական հարստահարումների դեմ և արդյունքի չհասնելով դիմեցին «ի պատրիարքարան հայոց»⁴⁶: Աղայական բռնությունների դեմ 1871 թ. ըմբոստացան նաև Մոտկանի 15 գյուղեր: Իշխանությունները բնակիչների «պաշտպանության» համար ոստիկաններ ու զինվորներ ուղարկեցին, սակայն դրանով ավելի վատթարացրին նրանց դրությունը⁴⁷: Վանի գավառի մի շարք գյուղեր 1879—1883 թթ. իշխանություններից պահանջեցին զսպել պաշտոնյաներին ու աղաներին, այլպես հարկադրված կլինեն աբտագաղթել. անսպասախան մնալով, շատերը գաղթեցին:

Գյուղացիների հուզումները համառ բնույթ կրեցին Շատախում, ուր նրանք սկսած 1872 թ. ըմբոստացան քուրդ աղաների դեմ և բազմաթիվ բողոքագրեր ուղարկեցին թուրքական իշխանություններին: Գյուղացիների հանդրանությունից զայրացած, աղաները սպառնացին, թե «2եր արյունը պիտի խառնենք Տիգրիսի ջրի հետ»⁴⁸: Բայց այս սպառնալիքը չբնականացրեց շատախցիներին: Ընդհակառակը, նրանք ավելի համախմբվեցին և հայտարարեցին, որ եթե վանի պաշտոնյաները չհարգեն իրենց պահանջները, կզիմեն Կարինի կուսակալին, իսկ «եթե հոն ալ չեղավ (կզման) մինչև Կ. Պոլիս»⁴⁹: Համառ պայքարի շնորհիվ գյուղացիները կարողացան պահել իրենց հողերը և ձևակերպել դրանք թափուով:

Գյուղացիների էլությունները դրական արդյունքով ավարտվեցին նաև Քըղիում, ուր նրանք ևս կարողացան պահպանել իրենց հողատարածությունները աղաների հափշտակումներից⁵⁰:

43 «Մշակ», 1880, հունիսի 12 (№ 90),

44 «Տեղեկագիրք գավառական հարստահարությանց», էջ 11—12:

45 Տե՛ս «Մշակ» 1886, հոկտեմբերի 16 (№ 116),

46 «Աստենագրությունք աղային ժողովուրդ», 1876, էջ 218:

47 Տե՛ս «Մասիս», 1871, ապրիլի 3:

48 «Դիվան Հայոց պատմության», գիրք ԺԳ, էջ 254:

49 Նույն տեղում, էջ 255:

50 Տե՛ս «Մասիս», 1883, օգոստոսի 11:

Երզնկայի գավառի Ղուղիջուն գավառամասի Ալթուն-Հյուսին գյուղի բնակիչները 1871 թ. հանդես եկան կայմակամ-հողատիրոջ դեմ, բազմաթիվ բողոքագրեր հղեցին թուրքական իշխանություններին ու Կ. Պոլսի հայոց պատրիարքին, պատվիրակներ ուղարկեցին մայրաքաղաք՝ նկարագրելով գործադրվող հարստահարումները: Նրանք իրենց պայքարը շարունակեցին նաև 1872—1873 թթ.: Կառավարությունը թեև խոստացավ սանձահարել կայմակամ-հողատիրոջը, սակայն ապարդյուն⁵¹:

Աղայական բռնությունների դեմ տեական պայքար վարեցին նաև Չարսանջակի գյուղացիները: 70-ական թվականների սկզբներին նրանք կրկին ոտքի կանգնեցին և պահանջեցին դեռ 60-ական թվականներին բեկերի կողմից հափաշտակված իրենց հողերը: Գյուղացիների համառ բողոքով Կ. Պոլսից հատուկ հանձնաժողով եկավ և ստիպված հարցը լուծեց նրանց օգտին: Սակայն աղաները, կաշառելով թուրքական պաշտոնյաներին, բեկանեցին հանձնաժողովի որոշումը և վերստին տիրացան գյուղացիական տարածություններին⁵²: Ռուս-թուրքական պատերազմից հետո Չարսանջակի գյուղացիները նոր փորձ կատարեցին աղայական բռնություններից աղափոխելու և իրենց հողերը էս ստանալու ուղղությամբ: Այդ նպատակով նրանք մի քանի բողոքագրեր ուղարկեցին Կ. Պոլսի, որոնցից մեկում նկարագրելով իրենց ծանր կացությունը, գրում էին. «Աշխարհիս երեսը թողուն ու մըջինն իրենց բոյն մը ունին, շարսանձագցի ժողովուրդն տուն ու հող չունի»⁵³: Սակայն գյուղացիների այդ փորձը նույնպես անարդյունք անցավ:

1878 թ. Բալու գավառի մի շարք գյուղեր ըմբոստացան աղաների ու թուրքական պաշտոնյաների բռնությունների դեմ և բազմաթիվ բողոքագրեր ուղարկեցին մայրաքաղաք: Սակայն ապարդյուն⁵⁴:

Արևմտյան Հայաստանում գյուղացիական շարժումները թե՛ 70-ական թվականներին և թե՛ 80-ական թվականների սկզբներին գերազանցապես պասսիվ բնույթ ունեին: Եթե 1873—1877 թթ. Կ. Պոլսի հայոց պատրիարքարանը թուրքական կառավարությանն է ներկայացրել 18, ապա 1878—1882 թթ.՝ 49 բողոքագիր (կամ թագրիր)⁵⁵: Սակայն 80-ական թվականների կեսերից գյուղացիական պասսիվ շարժումները նվազում են: 1878—1884 թթ. պատրիարքարանի կողմից թուրքական կառավարությանն է ներկայացվել 70, իսկ 1885—1891 թթ.՝ 37 բողոքագիր⁵⁶: Բայց դրա փոխարեն ծավալվում են գյուղացիական ակտիվ շարժումները: Ահա մի քանի դեպքեր այդ շարժումներից. 1890 թ. Մուշի դաշտի հըզլաղաճի բնակիչները պայքար սկսեցին իրենց արտոտվարներն ու վարելահողերը բռնագրաված լաջկանցի քուրդ աղաների դեմ և հաջաճաճ հաղթանակի:

1891—1893 թթ. Հերկերտում բնակիչները դուրս վճռեցին իրենց գյուղը ներխուժած քրդական հրոսակներին և սպանեցին սրբություններ ունահա-

51 Տե՛ս «Տեղեկագիրք...», էջ 18—23:

52 Տե՛ս նույն տեղում, էջ 12—13:

53 Գ. Մվանձադյան, Թորոս աղբար..., մասն Բ, էջ 126:

54 Տե՛ս «Դիվան Հայոց պատմութեան», գիրք ԺԳ, էջ 290—334:

55 «Частичный перечень такиров, представленных армянской патриархией в Константинополе турецкому правительству (с 1869 по 1895 гг.)» (Տե՛ս Մ. Գ. Ներսիսյան, Հայ ժողովրդի ազատագրական պայքարը թուրքական բռնակառության դեմ (1850—1870 թթ.), հավելված № 72, էջ 483—503:

56 Տե՛ս նույն տեղում:

րողներին: Գրվարսում գյուղացիները պայքարի ելան շիրքանցի ցեղապետերի դեմ և սպանելով 16 հոգու, պահպանեցին իրենց անկախությունը: Բազում բնակիչները «գեների կը դիմեն ու ետ կը մղեն քրդերը, մերժելով այնուհետև հանչնալ անոնց աշիրեթական իրավունքները»: Անձնոտում հայերը ապստամբվեցին աղայական լծի դեմ և թոթափեցին այն: Ավդուտում քրիստոնյաներն ու մահմեդականները սպանեցին թշնամություն սերմանող թուրք ոստիկանին: Տոմ և Մեզտի գյուղերում բնակիչները ետ շարտեցին աղայական բանդաներին և սպանեցին մի քանիսին: Սրանց օրինակին հետևեցին նաև Զիարեթ, Սորդար, Գոմս և այլ գյուղեր: Սակայն Մուշի դաշտի գյուղացիները նաև պարտվում էին իրենց աղատության համար մղած կռիվներում և ընկնում աղայական լծի տակ: Այդպիսի ճակատագիր վիճակվեց Ալվառինչին: 150 տնտեսություն ունեցող այս գյուղը երկար ժամանակ դիմագրավեց Մուշի զարիլաթների (թուրքացած քուրդ ցեղապետներին): Բայց վերջիններս, տեղորի ենթարկելով Ալվառինչի ինքնապաշտպանությունը կազմակերպող գյուղապետին, ի վերջո նվաճեցին այն:

Դարի 90-ական թվականների սկզբներին գյուղացիական ակտիվ շարժումներ ծավալվեցին նաև Բուլանջիսում: Խորապալարում բնակիչները ոտքի ելան իրենց ոչխարները հափշտակող ավաղակների դեմ և սպանելով մի քանիսին, մյուսներին վռնեցին: Շիրվանշիսում գյուղացիները դիմադրեցին իրենցից հարկ պահանջող աղայական հրոսակներին և քշեցին նրանց:

Գյուղացիական ակտիվ ելույթներում հատկանշվեց նաև Երզնկայի գավառը: 80-ական թվականների կեսերին Ուսումսերա գյուղի մարաբանները որոշեցին թոթափել բեյի լուծը և խլել նրա հողերը: Տեսական ու համառ պայքարով 1888 թ. ի վերջո նրանք հասան իրենց նպատակին: Աղայական լծի թոթափման փորձ կատարեցին նաև Երզնկայի Դերջան կաղայի Ագարակ գյուղի բնակիչները, «կռիվ ծագեցավ աղային ու մարապաներուն միջև, երկու տարի տևվեց կռիվը»⁵⁷, ի վերջո այդ կռիվը ևս ավարտվեց գյուղացիների հաղթանակով: Դերջանի Պաշրեռ գյուղի հայ և քուրդ բնակիչները հրաժարվեցին հարկերի վճարումներից ու պարտույթների կատարումներից, որի հետևանքով առաջացավ լուրջ ընդհարում: «Վտակի» թղթակիցը նշում էր. «Ինքս ականատես եղայ արինոտ կուին»⁵⁸, Չկարողանալով սեփական ուժերով ճնշել մարաբանների ելույթը, աղան օգնության կանչեց հարևան կալվածատերերին: Սակայն գյուղացիները չնահանջեցին, ընդհակառակը, նրանք «խոսք մեկ ըրած, կին թե այր բահով, բրիչով տեկնե՞կներով (մահակներով—խմբ.) ու քարերով յարձակուցան թշնամու վրա. գիղացիք քիչ քանակով գէնք ալ ունէին»⁵⁹, Այնուամենայնիվ աղաները հաղթեցին և ավելի սաստկացրին մարաբանների ճնշումը⁶⁰:

XIX դարի 80-ական թվականների կեսերին Արևմտյան Հայաստանում հանդես եկավ գյուղացիական շարժումների նաև հայդուկային կամ ֆեդայական ձևը, որը 90-ական թվականներին միաձուլվեց արևմտահայերի ինքնապաշտպանական մարտերին:

Այսպիսով, XIX դարի 70—90-ական թվականների սկզբներին Արևմտ-

57 «Վտակ», 1908, հունիսի 24 (№ 134).

58 Նույն տեղում:

59 Նույն տեղում:

60 Տե՛ս նույն տեղում:

յան Հայաստանում սոցիալական շարժումները ծավալվում էին համարյա ամենուրեք: Նրանք բռնկվում էին տարերայնորեն՝ տնտեսական ու ազգային հալածանքների պատճառով: Այդ պայքարում հայերի հետ հաճախ հանդես էին գալիս նաև հարևան քուրդ ու թուրք աշխատավորները, քանի որ նրանց դասակարգային շահերը համընկնում էին: Թուրքիայում ու Արևմտյան Հայաստանում արտադրողական ուժերի թույլ զարգացման և հասարակության անբավարար սոցիալական շերտավորման հետևանքով դեռևս չկար այն ուժը, որ համախմբեր ու կազմակերպեր բոլոր կեղծքվոդներին ու գրոհի տաներ տիրող բռնակալության դեմ:

3. ՄԱՐԲՍԻՋՄԻ ՏԱՐԱՄԱՆ ՆԱԽԱՔԱՅԼԵՐԸ

Մարքսիզմի տարածումը Ռուսաստանում և Անդրկովկասում արդյունք էր կապիտալիզմի զարգացման, սոցիալ-տնտեսական կյանքի առաջընթացի, բանվոր դասակարգի քաղաքական պայքարի սրման ու հասարակական առաջավոր մտքի ինքնուրույն որոնումների:

Ռուսաստանում առաջադեմ միտքը, Վ. Ի. Լենինի արտահայտությամբ, ցարիզմի դաժան հալածանքների և վայրագ կամայականության պայմաններում, տենդագին որոնում էր հեղափոխական տեսության ստույգ կողմնացույց. նա այդ գտավ «...շաբաբաբնով, անլուր տանջանքների ու զոհերի, շտենված հեղափոխական հերոսության, անհավատալի եռանդի ու անձնվեր որոնումների, ուսման, պրակտիկայում փորձելու, հիասթափումների, ստուգման, Եվրոպայի փորձի զուգադրման կետարյա պատմությամբ»⁶¹:

Ռուսաստանում, Վ. Ի. Լենինի բնութագրությամբ, ազատագրական շարժումն անցել է երեք գլխավոր էտապներ, համապատասխան ռուսական հասարակության այն երեք գլխավոր դասակարգերի, որոնք իրենց կնիքն են դրել շարժման վրա. 1. ազնվականական ժամանակաշրջանը, մոտավորապես 1825-ից մինչև 1861 թ., 2. ռազմաշինական կամ բուրժուա-դեմոկրատական, մոտավորապես 1861-ից մինչև 1895 թ., 3. պրոլետարականը՝ 1895 թվականից սկսած⁶²: Ազնվականական ժամանակաշրջանի ամենաականավոր գործիչները դեկաբրիստներն ու Գերցենն էին: Ինչպես դեկաբրիստներն արթնացրին Գերցենին, այնպես էլ Գերցենն ու «Կոլոկոլը» օգնեցին արթնացնելու ռազմա-շինցիներին: Ռուսաստանի ազատագրական շարժման երկրորդ փուլի նշանավոր դեմքը Ն. Չերնիշևսկին էր, որին Կ. Մարքսը համարել է ռուս մեծ գիտնական և քննադատ⁶³:

Ֆ. էնգելսը գոհունակությամբ է նշել, որ Ռուսաստանում հասարակական միտքը աչքի է ընկել ավելի շատ իր հեղափոխական ավյունով: Այնուհետև նա գրել է. «Ես խոսում եմ ոչ միայն ակտիվ հեղափոխական սոցիալիստների մասին, այլև ռուս գրականության պատմական քննադատական այն դպրոցի մասին, որն անսահման շատ բարձր է այն բոլորից, ինչ Գերմանիայում ու Ֆրանսիայում ստեղծել է պաշտոնական պատմական գիտությունը»⁶⁴:

61 Վ. Ի. Լենին, Երկեր, հ. 31, էջ 11:

62 Տե՛ս Վ. Ի. Լենին, Երկեր, հ. 20, էջ 297:

63 Կ. Մարքս, Կապիտալ, հ. առաջին, Երևան, 1954, էջ 13:

64 «Կ. Մարքսի և Ֆ. էնգելսի նամակագրությունը ռուս քաղաքական գործիչներին հետ», Երևան, 1954, էջ 306: